



Republika e Kosovës / Republic of Kosovo Komuna - Municipality Hani i Elezit



01/Nr.9822/2023

Data:20.11.2023

PROCESVERBAL I KUVENDIT TË KOMUNËS

Procesverbali nga mbledhja e dhjetë -X- e Kuvendit të Komunës, mbajtur me datë 31.08.2023 me fillim pune në ora 11:00 në sallën e Kuvendit të Komunës. Të pranishëm ishin: **Mehmet Ballazhi** (Kryetar i Komunës), **Natya Kalisi** (Drejtoresh e Administratës), **Kimete Kuka -Hasallari** (Drejtoreshë për Shëndetësi dhe Mirëqenie Sociale), **Nexhmedin Daci** (Drejtorja për Urbanizëm Kadastër dhe Mbrojtje të Mjedisit), **Lindita Ballazhi** (Drejtoresh për Buxhet dhe Financa), **Hisni Luri** (Drejtor për Arsime, Kulturë, Rini dhe Sport), **Arsim Dernjani** (Drejtor për Shërbime Publike dhe Emergjencë), **Abduraman Bushi** (Drejtor për Bujqësi, Pylltari dhe Zhvillim Rural), **Majlinda Kaloshi** (Drejtoresh për Zhvillim Ekonomik), **Sara Berisha** (Asistente e Kryesuesit të Kuvendit të Komunës), **Amir Bushi** (Udhëheqës i Qendrës për Punë Sociale), **Bashkim Sopa** (Zyrtarë për Informim), **Rezart Mehmeti** (Përfaqësues i OSB-së), Kryesuesi pasi konstatoi prezencën e anëtarëve të kuvendit, konstatoi se nuk mungon asnjë anëtarë i Kuvendit të Komunës.

RENDI I PUNËS

1. Miratimi i procesverbalit nga mbledhja e kaluar.
2. Raporti financiar për periudhën Janar – Shtator 2023.
3. Plani i biznesit të N.P.L Pastrimi sh.a. për vitin 2024.
4. Draft Plani i Veprimit për Parandalimin e Dhunës në Familje 2024-2026.
5. Draft Plani i Punës së Ekipës për Mbrojtjen e të Drejtave të fëmijëve 2024-2026.
6. Propozim vendim për lirin nga taksa administrative për legalizimin e ndërtimeve pa leje për kategoritë e dalura nga lufta.
7. Raporti periodik lidhur me progresin e zbatimit të rekomandimeve të auditorit.
8. Raporti financiar për periudhën Janar – Shtator 2023 i N.P.L Pastrimi sh.a.
9. Hartimi i Strategjisë për Zhvillim Ekonomik 2023/2027.
10. Të ndryshme.

Kryesuesi thekson:- për pikat e rendit të punës hapi diskutimin, nëse nuk ka e hedh në votim; rezultati i votimit ishte njëzëri.

U MIRATUA RENDI I PUNËS

Kryesuesi thekson:- para se me proceduar me pikën e parë të rendit të punës dëshiroj tu a bëjë me dije disa drejtorëve dhe zyrtarëve të emëruar që nuk është e drejtë dhe as e moralshme të ofendohet asambleja komunale për shkak se asamblistët nuk janë aq të parrëndësishëm siç mendojnë disa profiter por kanë rol të veçantë dhe të rëndësishëm sepse çdo kërkesë dhe projekt vjen prej asamblistëve dhe kërkohet të votohet. E me ardhur dikush që nuk i dihet forma se si ka ardhur dhe pikërisht me dërsën e këtyre asamblistëve dhe potenco se gjoja s'janë lul asamblistët kjo nuk është e drejtë. Kërkojë që të merren masa ndaj këtyre zyrtarëve që janë shkatërrues të shoqërisë dhe të kolegëve këtu sepse nuk është e drejtë kjo.

Mehmet Ballazhi thekson:- a është pikë e rendit të punës.

Kryesuesi thekson:- është pikë e rendit të punës dhe shumë e rëndësishme.

Mehmet Ballazhi thekson:- pasi është pikë e rendit të punës atëherë hedhe në votim.

Kryesuesi thekson:- është e drejtë e imja dhe jam te dhënë si vërejtje, ndërsa e drejta e jote është nëse donë me potencuar diçka mundesh me potencuar, nëse tu ka bërë merak karriga e kryesuesit trego ta lëshoj.

Mehmet Ballazhi thekson:- është mirë me potencuar kur dhe kush e ka ofenduar dikend.

Kryesuesi thekson:- të tregon ekipi yt dhe nëse nuk të tregon të tregojë unë për shkak se ty nuk po të tregojnë diçka që është shumë e rëndësishme dhe kjo po më vjen keq.

Mehmet Ballazhi thekson:- kjo çështje nuk është pikë e rendit të punës dhe nuk po e di se kush këndë e ka ofenduar.

Kryesuesi thekson:- zyrtari jot të cilët i ke emëruar i ka ofenduar asamblistët komunale dhe po besoj që do ta merresh veshë dhe kërkoj nga ty që të merresh masa.

Mehmet Ballazhi thekson:- ky është kuvend dhe ka rregulla dhe vazhdo me pikat e rendit të punës sepse je tu potencuar diçka pa e ditur se çka ka ndodhur .

Kryesuesi thekson:- unë i di rregullat shumë mirë dhe e di se çka ka ndodhur dhe e di se kush ka ofenduar , këtë e ka potencuar personi më i afërt i yti.

Mehmet Ballazhi thekson:- unë të gjithë i kam të afërt dhe kjo çështje nuk po më duket interesantë për me diskutuar për shkak se janë pikat e rendit të ditës dhe është kuvend e nuk është odë e burrave dhe nuk është kafe. Pikat e rendit të punës u potencuan dhe nëse donë te të ndryshmet mundesh me potencuar me emër se kush kënd e ka ofenduar.

Kryesuesi thekson:- unë e ngrita këtë çështje sepse nuk është e drejtë me ofenduar për shkak se e ofendon qytetarin e vetë.

1. Miratimi i procesverbalit nga mbledhja e kaluar.

Kryesuesi thekson:- a keni ndonjë vërejtje rreth procesverbalit, nëse nuk ka e hedh në votim; rezultati i votimit ishte njëzëri.

U MIRATUAR PROCESVERBALI NGA MBLEDHJA E KALUAR

2. Raporti financiar për periudhën Janar – Shtator 2023.

Kryesuesi thekson:- për këtë pikë të rendit të punës hapi diskutimin.

Lindita Ballazhi thekson:- të hyrat vetanake gjatë nëntë mujorit të vitit 2023, të hyrat janë realizuar në shumë prej 292,919.35 € dhe paraqesin 52.2 % të të hyrave të përgjithshme të planifikuara vjetore, ndërsa krahasuar me realizimin e nëntë mujorit të vitit paraprak 2022 kemi një rritje prej 28,490.13 €. Nisur nga vlerësimi i përgjithshëm del se niveli i shpenzimit të buxhetit për këtë periudhë janar-shtator 2023 është në shumë prej 2,125,565.24 € apo 63.46 %. Shpenzimet për paga dhe shtesa shënuan vlerën prej 1,502,955.67 € apo 88.26 %. Shpenzimet për mallra dhe shërbime shënuan vlerën prej 312,224.88 € apo 67.14%. Shërbimet komunale shënuan vlerën prej 56,644.21 € apo 58.69%. Shpenzimet për subvencione dhe transfere arritën shumën prej 64,008.08 € apo 64.00 %. Shpenzimet kapitale arritën vlerën prej 189,732.40€ apo 19.25 %.

Resul Suma thekson:- në këtë nëntë mujorë kemi shpenzime kapitale prej 9% më pakë se vitin e kaluar edhe pse e di që janë disa projekte në realizim e sipër a do të mundemi me mbërrirë 75 % e investimeve kapitale për me aplikuar në grantin e performancës. Tash hymë në sezonin e dimrit dhe projektet nuk mundën me vazhduar për shkak të motit të keq.

Mehmet Ballazhi thekson:- jemi në muajin tetor dhe nesër fillon muaji nëntor, ndërsa jemi tu diskutuar për një raport nëntë mujorë dhe shumica punimeve kanë filluar me vonesë për shkak të procedurave, pra bëhet fjalë për deri në muajin shtatorë ndërsa ne jemi në fund të tetorit dhe shumica e punëve janë kryer duke filluar prej mureve mbrojtëse, parku Bllaca 99, paku Lepenci dhe pagesat nuk janë përfshirë në muajin shtatorë dhe po besojë që ka me tejkaluar 75 % .

Hyrijete Isufi thekson:- tash është muaji nëntor dhe dhjetorë a mendoni se nuk ka me u kthyer asgjë sificit.

Sherif Berisha thekson:- te mallrat dhe shërbimet te shpenzimet e transportit të nxënësve kemi një rritje të shpenzimeve nga 15000 € në 20000 €, ndërsa në anën tjetër nuk ka zgjidhje për nxënësit të cilët udhëtojnë nga Ferizaji në Han të Elezit. Te shërbimet e ndryshme shëndetësore është një diferencë nga 30€ nga viti paraprakë kemi një shumë prej 3963 €, kërkoj sqarim se për çfarë shërbime bëhet fjalë. Shërbimet e ndryshme intelektuale dhe këshillëdhënëse keni ngritje dhe është mirë të sqaroni. Shërbimet e tjera kontraktuese janë në rritje në 49000 €. Te shpenzimet e varrimit nuk kemi asnjë mjet të shpenzuar nga cila kategori kryhen këto pagesa. Te pajisjet tjera më pak se një mijë euro për çfarë shërbime bëhet fjalë sepse diferenca prej vitit të kaluar është prej 11000 €. Furnizim me ushqim dhe pije është një diferencë e madhe në këtë vit. Mirëmbajtja dhe riparimi i automjeteve kemi një rritje prej 5200 €. Te drekat zyrtare është një diferencë prej 10000 €.

Ajnure Thaçi thekson:- te kategoria e subvencioneve kemi një rënie prej 5.38 % çka ka ndikuar që është kjo rënie.

Zaim Bela thekson:- përqindja për tatimi në pronë dhe tokë po më doket e vogël dhe ata të cilët paguajnë pas afatit paguajnë me dënim. A do të mundemi për me mbërrit për me aplikuar për grandin e performancës .

Mehmet Ballazhi thekson:- ka rregull se ku mund të shpenzojmë dhe si mund të shpenzojmë tjetër çështje është mundësi dhe tjetër çështje është vullneti. Ne kemi bërë disa takime me kompanitë e autobusëve për çështjen e nxënësve që i mësojnë në Ferizaj por Ligji e përcakton qartë se kënd mund ta bartin që është obligative për ne. Sa i përket rritjes ju e dini që i transportojmë nxënësit e shkollës së fshatit Krivenik.

Kimete Kuka -Hasallari thekson:- dallimi është për shkak që kemi lidhur marrëveshje me Karitasin dhe këto shërbime kryhen si pagesë prej mallrave dhe shërbimeve dhe nuk ka kategori tjetër që mundemi me i paguar.

Lindita Ballazhi thekson:- shërbimet e ndryshme intelektuale dhe këshillëdhënëse bëhet fjalë për konsulentin në drejtorinë e zhvillimit ekonomikë, për ekspertin e jashtëm që është i angazhuar në tri procedura të rekrutimit, për koreografën e angazhuar për festivalin mbarë kombëtarë Hani i Elezit sesioni i parë, për mësimdhënësen e gjuhës gjermane, psikologun e angazhuar në QPS. Shërbimi në shumë prej 49000 € ka të bëjë me kontributet dhe tatim punonjësve në listë të pagave, pagesa e një mjeku, pagesa për dezinfektimin dhe deratizimin e institucioneve dhe hapësirave publike, pagesa për Karitasin Zviceran për mjetet didaktike për nevojat e çerdhes, pagesa e pjesëmarrjes në panairin e sportit dhe turizmit, pagesa për hartimin e projekteve për nevojat e drejtorisë së urbanizmit, pagesa për një infermiere për dy muaj, pagesa për zbatimin e marrëveshjes për efijencë të energjisë, pagesa për analizat e ujërave, pagesa për shërbime të ndryshme te fabrika e ujësjellësit në fshatin Dimcë dhe pastimin e deponisë së ngurtë në fshatin Paldenicë, pagesa për mësimdhënësen e gjuhës Gjermane, pagesën e gjlbiesëve për nevojat e drejtorisë së urbanizmit, pagesa për ingjizimet dhe fotografitë për nevojat e festivalit mbarë kombëtarë Hani i Elezit, pagesa për dyshemetë për

nevojat e sektorit të arsimit, pagesa për shërbimet të cilat i kryen NPL Pastrimi, pagesa për asgjësimin e shiringave, pagesa e kontribuesëve të punonjësve me kontratë në vepër, pagesa për hartimin e projektit të depos së QKMF-së, pagesa për dy infermierët për dy muaj, shpenzimet e varrimit kryhen prej kategorisë së subvencioneve. Te pajisjet e tjera nën një euro janë përfshirë këto pagesa pajisja për evidentimin e vijueshmërisë, pajisje të ndryshme të ajtisë, tabelat informative, kositëse të barit për parqe, filtra të nxemjes qendrore. Furnizimi me pije e jo dreka zyrtare përfshihen këto pagesa ushqimi dhe pije për nevojat e qendrës, shërbimet e bifesë komunale. Te mirëmbajtja e automjeteve përfshihen këto pagesa për larjen riparimin e automjeteve komunale. Te drekat zyrtare përmes këtij kodit përfshihen këto pagesa mysafirë e Kryetarit të Komunës dhe drejtorive, drek me kontingjentin Italianë, për grupin punues për hartimin e strategjisë për zhvillim ekonomik, për donatorët e paneleve solare në QKMF, drekë me rastin e shtatëmbëdhjetë shkurtit, të ftuarit e kryetarit të komunës nga Maqedonia e Veriut, drekë me kontingjentin Gjerman, dreka për pjesëmarrësit e festivalit mbarë kombëtarë , darkë për veteranët e luftës. Rënia e subvencioneve ka të bëjë që nuk kemi pasur pagesë për lehonitë , apo ndoshta ka pasur më pakë se vitet e kaluara. Deri me datën dy tetor ka qenë afati i fundit për pagesën kështu të dytë të faturës së tatimit në pronë dhe kjo nuk ka ndikuar që qytetarët të ndalen me pagesën e tatimit në pronë, po ashtu kemi edhe marrëveshje të cilat i kemi lidhur me disa qytetarë për pagesë me këste të tatimit në pronë . Sa i përket 75 % do të japim maksimum që ta arrijmë atë përqindje dhe kjo është vetëm nëntë muajorë dhe prej asaj periudhe janë kryer shumë pagesa të tjera.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka kalojmë në pikën e radhës të paraparë sipas agjendës.

3. Plani i biznesit të N.P.L Pastrimi sh.a. për vitin 2024.

Kryesuesi thekson:- për këtë pikë të rendit të punës hapi diskutimin.

Sevime Bajrami thekson:- përveç materialit që është dërguar diçka të veçantë nuk kam.

Resul Suma thekson:- tarifa e mbeturinave është ngritur në muajin maj të këtij viti, planifikimi i pagave a planifikohet te viti 2024 apo nuk e keni planifikuar. Te pika numër gjashtë është gabim sasia e mbeturinave përbëhet nga mbeturinat e amvisërisë 75 % dhe mbeturinave komunale 35 % që i bien 110 % . A është menduar që në vitin e ardhshëm përveç planifikimit për me i ngritur pagat e punëtorëve me ndërruar edhe mënyrën e pagesës sepse në komunat e tjera pagesën mundën me bërë edhe përmes telefonit apo drejtë për drejtë me kartelë .

Sherif Berisha thekson:- materialet vinë në komision të aksionarë por unë vërejtje kam sa i përket takimit si komision i aksionarëve sepse që nga viti i kaluar nuk jemi takuar.

Refet Kalisi thekson:- a është marr ndonjë hap për ngritjen e pagave a keni biseduar me personat kompetent për këtë çështje. A do të ngritën pagat në vitin 2024.

Mehmet Ballazhi thekson:- do të ngriten pagat për punëtorët e kompanisë për vitin 2024.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

U MIRATUA PLANI I BIZNESIT PËR VITIN 2024 I NPL PASTRIMI SH A

4. Draft Plani i Veprimit për Parandalimin e Dhunës në Familje 2024-2026.

Kryesuesi thekson:- për këtë pikë të rendit të punës hapi diskutimin.

Kimete Kuka -Hasallari thekson:- materialin e keni dhe nuk po hyjë në detaje por është një draft plan mjaft i rëndësishëm për komunën tonë . Nëse keni ndonjë vërejtje apo sugjerim mund të parashtroni.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

U VOTU PLANI I VEPRIMIT PËR PARANDALIMIN E DHUNËS NË FAMILJE 2024 -2026 QË TË PËRCILLET PËR DEBAT PUBLIK

5. Draft Plani i Punës së Ekipës për Mbrojtjen e të Drejtave të fëmijëve 2024-2026.

Kryesuesi thekson:- për këtë pikë të rendit të punës hapi diskutimin.

Kimete Kuka -Hasallari thekson:- përveç materialit të cilin e kemi përcjell diçka të veçantë nuk kam.

Amir Bushi thekson:-është obligim ligjorë që komuna ta ketë një plan të tillë.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

U VOTU DRAFT PLANI I PUNËS SË EKIPËS PËR MBROJTJEN E TË DREJTAVE TË FËMIJËVE 2024-2026 QË TË PËRCILLET PËR DEBAT PUBLIK

6. Propozim vendim për lirim nga taksë administrative për legalizimin e ndërtimeve pa leje për kategoritë e dalura nga lufta.

Kryesuesi thekson:- për këtë pikë të rendit të punës hapi diskutimin.

Nexhmedin Daci thekson:- propozim vendim ka të bëjë për lirin nga pagesa e taksës komunale për legalizimin e ndërtimeve pa leje për kategoritë e dalura nga lufta që bëhet fjalë për shtëpitë e kategorisë së parë dhe dytë. Bëhet fjalë për familjet e dëshmoreve, Invalidët e Luftës së UCK-së, vesternët e luftës së UCK-së , viktimat civile dhe familjet e tyre.

Sherif Berisha thekson:- propozoj që edhe kategoritë e skemës sociale dhe personat me aftësi të kufizuara të lirohen nga pagesa.

Zaim Bela thekson:- kush hyjnë te anëtarët e familje për lirim nga pagesa.

Nexhmedin Daci thekson:- këta të cilët janë në skemë sociale janë të liruar me Ligj . Sa i përket liritimit nga pagesa të familjarëve është e paracaktuar me Ligj për kategoritë e dalura nga lufta.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

7. Raporti periodik lidhur me progresin e zbatimit të rekomandimeve të auditorit

Kryesuesi thekson:- për këtë pikë të rendit të punës hapi diskutimin.

Lindita Ballazhi thekson:- përveç materialit të cilin e kam përcjell në detaje diçka të veçantë nuk kam.

Sherif Berisha thekson:- pse po vijnë faturat e tatimit në pronë pas kohe .

Lindita Ballazhi thekson:- këtu ka të bëjë me pagesat po ka rate që faturat i vonojnë operatorët ekonomikë dhe pagesa e tyre llogaritet nga momenti i pranimit në Komunë për shkak se afati ligjorë është tridhjetë ditë për me ekzekutuar pagesën. Në disa raste ka pasur të bëjë me mungesën e buxhetit pasi që buxhetet ndahen në baza mujore dhe ka pasur raste kur jemi ballafaquar me mungesë të buxhetit dhe nuk kemi mundur ta paguaj faturën.

Refet Kalisi thekson:- te rekomandimi numër tre a do të ndërmermi diçka më shumë.

Lindita Ballazhi thekson:- jemi munduar në çdo formë me i informuar qytetarët, po ashtu edhe nëpërmjet marrëveshjeve të cilat i kemi lidhur që ato kanë hyrë në obligim Ligjorë, jemi munduar edhe në formë të publikimeve në veb faqe komunale.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka kalojmë në pikën e radhës të paraparë sipas agjendës.

8. Raporti financiar për periudhën Janar – Shtator 2023 i N.P.L Pastrimi sh.a.

Kryesuesi thekson:- për këtë pikë të rendit të punës hapi diskutimin.

Refet Kalisi thekson:- në informatë figurojnë tre teknik në kompani për ku bëhet fjalë.

Mehmet Ballazhi thekson:- kemi një marrëveshje me kompaninë dhe ju e dini që edhe një punëtorë të kompanisë e kemi në komunë dhe jemi të interesuar për me kryer shërbime dhe me qenë transparenca financiare me qenë në rregull .

Resul Suma thekson:- a i kanë marr rregullisht shujtat punëtorët e kompanisë dhe a do të vazhdojnë mi marr . Te raporti janë disa gabime teknike te pagat nuk është rënie por rritje.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka kalojmë në pikën e radhës të paraparë sipas agjendës.

9. Hartimi i Strategjisë për Zhvillim Ekonomik 2023/2027.

Kryesuesi thekson:- për këtë pikë të rendit të punës hapi diskutimin.

Majlinda Kaloshi thekson:- është bërë plotësimi i grupit punues ku janë përfshirë edhe përfaqësues të grupeve parlamentare . Është mbajtur punëtorja për hartimin e këtij dokumenti . Nëse keni ndonjë vërejtje apo sugjerim mund ta parashtroni.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

7. Të ndryshme.

Kryesuesi thekson:- për këtë pikë të rendit të punës hapi diskutimin.

Resul Suma thekson:- është nënshkruar marrëveshja me Islamik Reliefin për rekrutimin e stafit në QKMF ku kanë mbetur procedurat. A do të hapet konkursi në QKMF për infermierë pasi që është anuluar për mos kompletim të dokumentacionit të kandidatëve . Te projekti i parkut të Lepencit koshin me bërë me zingjirë për shkak se dëmtohet shpejt nëse bëhet me fije. Çështja e ujit është bërë problem. Kur do të fillon pagesa për çështjen e ujit.

Kimete Kuka -Hasallari thekson:- sa i përket procedurave me Islamik Reliefin deri me datë 24 tetor ka qenë afati i aplikimit, ka përfunduar dhe tash janë në procedurën e verifikimit të dokumentacionit nga komisioni që është prej Islamik Reliefit. Konkursin për infermierë në QKMF e kemi rishpallur por nga Ministria përkatëse na kanë njoftuar që për shkak të rregullimit të sistemit me ligjin e ri të pagave sistemi i burimeve njerëzore është bllokuar dhe deri sa të na japin leje për zhvillimin e procedurave të më tutjeshme asnjë konkurs nuk është tu zhvilluar.

Kryesuesi thekson:- komuna a participonë me mjete financiare në këtë marrëveshje.

Kimete Kuka -Hasallari thekson:- komuna participonë dhe për dy vite që e kemi marrëveshjen afër 62000 € participonë.

Kryesuesi thekson:- si është e mundur me pricipuar dhe mos me pasur asnjë anëtar në komision.

Kimete Kuka -Hasallari thekson:-praktikat të cilat janë bërë në komunë e Ferizajt na kanë paralizuar neve këtu që nuk kemi drejtë me pasur asnjë anëtarë në komision. Janë duke dashur me bërë një konkurs transparentë përparësi kanë kandidatët e komunës së Hanit të Elezit dhe jemi të interesuar me marr shërbime sa më cilësore për qytetarët e komunës sonë.

Mehmet Ballazhi thekson:- janë politikat e mija objektive shërbimi ndaj qytetarëve. Ne kemi bërë një marrëveshje që përparësi në rekrutim të jenë kandidatët nga komuna e Hanit të Elezit dhe ka qenë një far kushti që komuna mos me pasur gisht në përzgjedhje që me u zhvilluar procedurat e rekrutimit sipas kriterëve që ata i plotësojnë . Neve na ka interesuar shërbimi dhe nuk më intereson si mënyrë se kush do të jetë si individë aty por më intereson përzgjedhja e stafit të nevojshëm profesionalë në QKMF . Këto janë objektiva të mijat për shërbime ndaj qytetarëve dhe nuk janë objektiva se kush shkon si individë i caktuar . Unë jam pajtuar për arsye se Islamik Reliefi ka qenë në Han të Elezit dhe arsyetimi që është larguar ka qenë pikërisht kjo që potencohet tash me ndërhyrë nëpër konkurse dhe e kanë potencuar ata vetë që nuk jemi të interesuar me bërë marrëveshje me komuna që na ndërhyjnë në konkurse për me pranuar persona të caktuar dhe unë e kam pranuar me shumë kënaqësi që mos me u përzier në konkurse .

Kryesuesi thekson:- unë mendoj që pasi edhe komuna participonë me mjete financiare do të ishte e arsyeshme me pas një rekomandim për një anëtarë të komisionit në mënyrë që me qenë të informuar për shkak se i njohim personat të cilët kanë përvojë më shumë dhe të cilët janë më të kualifikuar dhe që kanë kontribuar edhe në periudhën e pandemisë . Pasi që ne jemi tu participuar me mjete financiare më e arsyeshme do të ishte që me pasur qasje për punëtorët e Hanit të Elezit.

Mehmet Ballazhi thekson:- e kuptojë shqetësimin tendë dhe kërkesën tënde por në objektiva të mia nuk është dhe është vullneti imë se si do të organizohet përzgjedhja e tyre sipas konkurseve se është vullnet që unë e kam nënshkruar atë marrëveshje, unë jap përgjegjësi për atë marrëveshje . Ajo që më ka interesuar prioritet me ju dhënë aplikantëve të cilët janë të Hanit të Elezit.

Refet Kalisi thekson:- vetëm mos të vijmë prej komunave të tjera për shkak se ndoshta mund të ketë ndonjë kriter që nuk e pëmbushin aplikantët e komunës sonë dhe mund të vijmë prej ndonjë komune tjetër.

Sherif Berisha thekson:- edhe pse me vonesë e kam pranuar një përgjigje nga drejtorja e arsimit por nuk jam i kënaqur sepse kam kërkuar raport të detajuar . Projektorët të cilët janë nëpër shumë klasa të shkollave janë jashtë funksionit por e njëjta gjë qëndron edhe me llapotëpët . Te salla e sporteve që shfrytëzohet për ushtrime të disa klubeve, të gjitha karrigat janë shkatërruar dhe përgjegjësi e kujt është. Te drejtorja e shëndetësisë tezaku po figuron ende në listë të pagave . A ka mjek në AMF-në e fshatit Gorancë .

Hisni Luri thekson:- çështjen e përgjigjeve të cilën e kam dhënë jam i hapur për me biseduar sepse ende kemi paguar fatura për shkak se planifikimet kur janë bërë mjetet financiare janë marr nga katër apo pesë drejtori . Sa i përket projektorëve dhe llapotëve jemi me një rrugë që po duam me i hequr projektorët sepse po shkojmë drejtë digjitalizimit dhe kabllot të cilat janë në defekt jam i angazhuar me drejtorët e shkollave , ndërsa sa i përket lloptëve jemi duke e pritur një grand nga Ministria e Arsimit , i kemi plotësuar formularët dhe jemi tu pritë prej Ministrisë së Arsimit për me na furnizuar. Sa i përket defekteve ata kanë qenë të prishura më herët se sa është miratuar rregullorja. Kërkesë kemi bërë që me i ndërruar dhe me vendosur ndryqim sa më profesional te salla e sporteve te shkolla fillore “Ilaz Thaçi” .

Kimete Kuka -Hasallari thekson:- po më vjen keq që mu drejtove me tezak se tezaku në marrëdhënie pune ka qenë para se të vijë unë drejtoreshë dhe nuk kam kompetencë me larguar dikend nga lista e pagave për deri sa është duke i shfrytëzuar pushimet që ligjërisht i takojnë. AMF-ja në fshatin Gorancë nuk ka mjek vetëm me infermier po mbahet dy herë në javë dhe me plotësimin e stafit nga Islamik Reliefi do të jetë mjeku dy herë në javë.

Hanumshahe Dibrani thekson:- sot është afati fundit te kufiri për demolimin e lokale por çka do të ndodhë më tutje.

Mehmet Ballazhi thekson:- deri sot është afati por nuk duam me shfrytëzuar mundësinë ligjore apo pushtetin për me potencuar se po bëjmë diçka por po duam me ngritur vetëdijen e secilit qytetarë aty ku mundemi për me arritur me bërë diçka në Han të Elezit . Afatin e kanë deri sot dhe prej nesër ne nuk marrim përgjegjësi, të gjitha shpenzimet çfarëdo që ndodhë dhe të gjitha dëmet i bartin ata se është çështje tyre se ka instanca tjera sepse kompania mundë të ja fillojnë punimet dhe ata mund të mos u largojnë dhe pastaj shkon policia, komuna nuk ka punë këtu për shkak se i kemi udhëhequr procedurat ligjore administrative. Neve na intereson që kompania me kryer punë dhe është çështje e kompanisë se si i zhvillon punimet.

Zaim Bela thekson:- nga drejtori për arsim kërkoj informacion për numrin e nxënësve. Kam kërkuar që të publikohet lista për punëtorët të cilët punojnë në institucionet publike a e kanë paguar tatimin në pronë . Rruga që është filluar te lagjia Ramuk a i mbikëqyrë punë kryesin dikush për shkak se gypin nuk e mbulofshin me rërë ashtu siç janë standardet. A ka të interesuar për shpalljen që është bërë për subvencionimin e fermerëve të cilët kanë mbjell grurë.

Hisni Luri thekson:- pyetja ka qenë se sa është numri i nxënësve në rënie për vitin 2022 -2023 të vitit akademik që e kemi pasur vitin e kaluar ka qenë 105, ndërsa numri për vitin 2023-2024 të regjistruar është 82

Lindita Ballazhi thekson:- nuk e di sa kemi bazë ligjore për ta përgatitur listën e zyrtarëve të cilët nuk e kanë paguar tatimin në pronë por kemi ndërmarr disa hapa që kam kontaktuar me departamentin e tatimit në pronë si dhe me agresionin për privatësi .

Majlinda Kaloshi thekson:- obligimet e pa paguar që bizneset i kanë Komunës janë në shumë prej 286 738.40 €. Faturimin të cilin e kemi bërë për vitin 2023 është në shumë prej 97 079.74 € , ndërsa inkasimin të cilin kemi mundur me mbledhur deri në muajin shtatorë është në shumë prej 75487.44 €

Arsim Dernjani thekson:- sa i përket çështjes së ujit për çdo ditë jam në kontakte me kompaninë “Bifurkacioni” dhe janë duke i kryer punimet punëtorët e kompanisë “Bifurkacioni” por po kanë edhe vështirësi gjatë vendosjes së orëmatësve. Kjo javë ka qenë më mirë sa i përket furnizimit për shkak se jam në kontakte me qytetarët.

Kryesuesi thekson:- është mirë që qytetari me ditur që pagesa për çështje të ujit a do të fillon prej momentit që merret ndonjë vendim apo prej vendosjes së orëmatësit . Është mirë të dihet kjo çështje.

Mehmet Ballazhi thekson:- çështja e pagesës është e kompanisë “Bifurkacioni por na kemi kërkuar që me hyjë në pagesë. Orët janë vendosur dhe janë tu faturuar me këtë numërim por kur fillon faturimi nuk e dimë por vështirësitë që i përmendi drejtori që janë në teren po besoj që edhe ju i keni parë sepse ka probleme.

Refet Kalisi thekson:- kryetarin e dëgjova dhe e kuptova shumë mirë por drejtorin nuk e kam kuptuar sepse para dy muaje drejtori ka potencuar që atë ditë që vendosen të gjitha orët do të hynë në pagesë por unë e shohë ashtu siç potencoj kryetari . Mu më është vendosur ora dhe regjistron dhe numrat do të merren nga ajo ditë që është vendosur ora , ndërsa prej drejtorit kemi pranuar tjetër përgjigje.

Mehmet Ballazhi thekson:- drejtori mundet me potencuar por është çështje e kompanisë dhe nuk e dimë se çfarë vendimi merr kompania sepse çështja jonë është me mbështetur kompaninë për futje në menaxhim të ujit dhe nuk mundemi me marr vendim në emër të kompanisë . Shqetësimet e juaja do t'i diskutojmë me përfaqësuesit e kompanisë “Bifurkacioni”. Unë do të bisedojë me përfaqësuesit e kompanisë që ata me dal me një njoftim zyrtarë se kur do të fillon pagesa e ujit.

Kryesuesi thekson:-nuk është mirë me i lënë një far komoditeti kompanisë “Bifurkacioni” që me ngarkuar qytetarin e komunës së Hanit të Elezit me një tarifë që ndoshta nuk i ofron ujë apo ja ofron ajrin. Është një përmirësim i mirë por nuk duhet t'i lihet komoditeti kompanisë “Bifurkacioni që ata me vendosur për shkak se kritikrat po adresohen në komunë .

Abduraman Bushi thekson:- deri para se me filluar mbledhja numri i fermerëve që kanë aplikuar është 26.

Ibadete Kalisi thekson:- kam dëgjuar disa ankesa nga banorët e komunës sonë që në komunën tonë nuk po ofrohen disa shërbime. Nëse unë dëshirojë me ndryshuar emrin, pse në komunën tonë nuk ofrohet ky shërbim. Në QKMF ka ankesa për punëtorin e radiologjisë që nuk është duke i kryer shërbimet e tij për shkak se me datë nëntëdhjete isha në QKMF dhe nuk ka qenë prezent.

Natyra Kalisi thekson:- këtë përgjigje do ta mundohem me dhënë në kuvendin e radhës.

Kimete Kuka -Hasallari thekson:-do të marr informacionin prej QKMF-së dhe do të jap përgjigje.

Emine Luri thekson:- ka disa ankesa që në shkollën e mesme Dardania mësimi nuk po zhvillohet ashtu siç duhet si shkaktarë disa nxënës shumë problematik të cilët kanë qasje shumë të keqe ndaj profesorëve . A ka ndërmarr drejtoria ndonjë masë ndaj tyre sepse kjo qasje ka arritur deri në atë nivel që disa profesorë e kanë lënë orën e mësimt.

Erbilin Meliqi thekson:- kur është borxhi i tatimit a llogaritet kamata në tërësi apo vetëm viti aktual .

Hisni Luri thekson:- çdo herë kemi pasur nxënës të cilët kanë sjellje problematik edhe për këto drejtoria e shkollës merr masa e përjashton por nuk kam qef me i përmendur këtu jo për këtë rast sepse ju e dini që kemi qenë në gjendje komplet një klasë për me i përsëritur por përsëri me na bërë presion që me i pranuar të njëjtit për shkak se janë fëmijët e tonë. Për këto nxënës merren vërejtje nga drejtori i shkollës dhe nëse vijnë në komunë ne i ekzekutojmë.

Lindita Ballazhi thekson:-sa i përket kamatës së tatimit në pronë nëse keni borxhe të vitit paraprakë dhe nëse nuk e keni paguar kamat do të ketë edhe për atë vit por edhe për vitin aktual.

Resul Suma thekson:- dje kemi pasur mbledhje të Komitetit për Komunitete por në dy apo tri mbledhje një pjesë e drejtorëve i neglizhojnë dhe nuk marrin pjesë në takimet të cilat mbahen që pika diskutuese është për ata drejtorë . Është mirë me marr pjesë nëpër takimet por edhe imellat me ua përcjell zyrtarëve përgjegjës.

Sherif Berisha thekson:- do të qasem te fillimi i takimit të sotëm për çështjen e fyerjes sepse është e vërtetë që nuk mundet ta kontestoni askush se ka ndodhë dhe këta shqetësime i kam shprehur edhe më herët dhe nëse përsëri paraqiten personalisht po flasë për vete me ato mundësi të cilat i kam do ti kthehem dy apo tri herë më shumë, kushdo që është masa disiplinore ka ekzekutivi i komunës dhe është mirë me i marr që mos me na detyruar me i marr prej asamblesë komunale.

Mehmet Ballazhi thekson:- nëse keni konkretisht për ndonjë drejtor apo drejtoreshë është mirë me potencuar dhe nuk është mirë në mënyrë hipotetike me potencuar për shkak se nuk janë çështje parlamentare sepse mund t'i diskutojmë por sa personi më shanë mu rrugëve nuk kam kohë dhe energji me u marr, i shohë edhe në feshbuk por nuk ua kthej komentet për shkak se është çështje tyre me shah, fyer dhe me nënvlerësuar, është kulturë dhe edukatë e gjithë secilit, e me u nis me marr më këto, asnjë punë nuk mundem me bërë . Nëse ka konkrete për ndonjë diçka që e ka shkelur Ligjin apo rregullore. Nëse flitet që e kam dëgjuar apo se kam dëgjuar në bazë të cilit ligji dhe rregullore me marr masa apo vetëm po doni se duhet për një qef të dikujt. Për mu deri tash drejtorët dhe drejtoreshat janë një qind për qind në përputhje me objektivat e mia , s'janë perfekt as nuk janë engjuj por në objektivat e mia janë në përputhje me ato që e bëjnë përkushtimin. Për defekte të caktuara për mangësi të caktuara duke u nisur prej meje dhe gjithë secilit që jemi si njerëz janë çështje që diskutohen e jo në këtë formë me i bërë tema të pa tema .

Sherif Berisha thekson:-unë kam kërkuar edhe për iks personi se si është qëndrimi jot ndaj tij nuk më ke dhënë përgjigje pra ka qenë rast konkretë .

Mehmet Ballazhi thekson:- e maj mend dhe të njëjtë pyetje ta ka parashtruar dikush që me dhënë përgjigje ti se a janë kafshë apo nuk janë kafshë, a janë roje apo nuk janë roje të kafshëve aty në park që edhe dikush ta ka bërë këtë pyetje por nuk ju ke përgjigjur dhe drejtorët dhe drejtoreshat në objektivat e mia janë një qind për qind të përkushtuar.

Kryesuesi thekson:- është e vërtetë që këto objektivat e tua po i dërgojnë në vend por për mua është shqetësim kjo sepse nuk është e drejtë e drejtorit me ardhur dhe me ofenduar dikend këtu , më vjen shumë keq prej teje kryetarë se ti nuk je i informuar . Nuk ka autoritet dikush me potencuar që lul asambleja që është kjo, kenë qysh kenë kanë dalur dhe e kanë matur veten dhe nëse i doket dikujt që s'janë kërkushi ne del para popullit sepse janë tu e ofenduar qytetari . A e donë dikush dikën apo nuk e donë apo a e ka për qefi apo nuk e ka është diçka tjetër për shkak se njeriu shoqërinë e zgjedhë vetë dhe me kënd donë mundet me nejtë por ofendimet fjalët pas shpine nëpër zyre nëpër drejtori nuk është e drejtë se zbehet kolektiviteti këtu. Nuk mundemi me një shoqëri kaq të vogël këtu në komunë gjërat me shkuar kështu nuk ka vullnet pune as harmoni të bashkëpunimit.

Mehmet Ballazhi thekson:- i nderuar kryesues unë po të kuptoj por çka vijën dhe dëgjojë se potencojnë që kryesuesi i kuvendit e shanë me rob drejtorin dhe nuk di pse duhet me ja sha robt dikujt dhe nëse dikush potencon për mu që mi ka shahë robt në rrugë , unë nuk merna më kesi sene kryesues.

Kryesuesi thekson:- është e vërtetë por ku e din ti se çfarë marrëdhënie kam me drejtorin në fjalë, është dashur me pyet drejtorin dhe nuk duhet me u marr me propaganda të drejtoreshave dhe është dashur me thirr kryesuesi dhe me pyetur se çka është problemi e jo me propaganda të lloj lloj rrogzine. Por kryetar t'i e ke një pikë të dobët për shkak se si të thojnë drejtoreshat diçka ti e beson me një herë. E ke edhe një aftësi krejt gjërat i organizon tana kthehesh e ta drejton gishtin por për mu pak punë është e di të vërtetën.

Mehmet Ballazhi thekson:- nuk e kam thirr drejtorin për këtë punë dhe nuk është etike me përdorë fjalën rrogzinë dhe nuk banë me u kapur sepse secili e ka mendimin e vlerësimit për dikend sepse për ty mund të jetë e drejtë diçka për tjetrin nuk kana e drejtë diçka por janë mendime të secilit dhe askujt nuk i kam thanë diçka që më ka sha në rrugë edhe pse e di që më kanë shahë por është çështje kulturës dhe e edukatës së tij.

Malik Berisha thekson:-te parku te AMF-ja në fshatin Gorancë nuk e di a është bërë pranimi teknik i punës sepse i pashë disa gabime të vogla por besoj që gjatë pranimit teknik rregullohen.

Nexhmedin Daci thekson:- ka pasur me u bërë pranimi teknik po nuk kam informacione sigurt a është bërë. Sugjerime i kam dhënë për me i përmirësuar disa gabime.

Kryesuesi thekson:- a keni caktuar zonë për mbeturinat e ngurta ju si drejtori e urbanizmit e keni për detyrë ta caktoni lokacionin për hudhjen e mbeturinave të ngurta , ndërsa drejtorja e shërbimeve publike e ka për detyrë ta menaxhon.

Nexhmedin Daci thekson:- ende nuk e kemi caktuar.

Refet Kalisi thekson:- kompania e cila është duke i kryer punimet te rruga për kanalin e hapur a ka sjell mjete të tjera apo vetëm ata i ka.

Nexhmedin Daci thekson:- e drejtorisë është për me dorëzuar në zyre të prokurimit projektin dhe pastaj janë procedura të tjera. Ajo kompani ka dal më e lira dhe e ka fituar tenderin dhe e ka kontratën nëse e respekton është në rregull nëse nuk respekton futet në penale.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka shpalli të mbyllur mbledhjen.

Ju faleminderit për pjesëmarrje.

Mbledhja përfundoi në ora 13:13.

Procesmbajtësi

Avni Bushi

